

La doturia Grete Mahlknecht é demez ai 22 y 23 de jená (dedolönesc y dedemesaledema) y vëgn sostituida dal dotur Taormina 340 32 28 655.

I sac dal ciomënt por le 2019 vëgn partis fora te comun cina ai 25 de jená.

En dedolönesc ai 15 de jená, dales 9.30, él la sesciun forestala por döt le Comun da San Martin tl salf di stödafüch a San Martin.

Les iscriziuns ala scolina por l'ann de scora 2019-2020 vëgn tignides a Lungiarü y a San Martin le lönesc, ai 14 de jená, dales 8.30 ales 9.30, y le dedolönesc, ai 15 de jená, dales 14.00 ales 15.00, te trames les scolines. Al pó se lascé scrí ite mitans y mituns nasciüs danter l'01 de set13 y i 28.02.17.

SAN MARTIN Y LUNGIARÜ

Invit al patrozine de Sant Antone abat sö n'Antermëia, en jöbia, ai 17 de jená: dales 9.00 corona, dales 9.30 Mëssa solëna, dedò val' de cialt da bere sön plaza y la poscibilitè de marné tl salf manifestaziuns. Dales 14.00 batadú de Sant Antone tl salf dles manifestaziuns. Al ne gnará nia ma carté mo al sará ince la poscibilitè da davagné de bi pesc cun na ola dla fortuna y d'atri jüc. Düc é inviá. Le davagn jará ala dlijia d'Antermëia.

En vëndres, ai 18 de jená mët man „l'edema de oraziun por l'unité di cristians“ recordan les parores de Gejú „por che düc sides unis“ y en domënia, ai 20 de jená, vëgnel tigní la domënia dla Bibla che mët la Parora de Dî tl zënter de nosta fede.

SAN MARTIN

La Schira Jonila rengraziëia por l'oferta che é gnüda trata ite cun l'Aziun di Trëi Resc 2019. Indöt él gnü ite tles ciases y en Santaguania 6.028 euro. Implü ti dijunse dër bel dilan ales mitans Emely, Anna P., Denise, Alyssa, Iris, Maria, Chiara y Anna F., che á fat i Trëi Resc. Dilan al'Ostaria Posta, a Franca y a Elisabeth por la marëna y ala Ciasa de Palsa por l'ospitalité. N bel dilan ai acompagnadus, a düc chi che á tut sö bun les mitans y a chi che á zënza fat val' ater sorvisc por chësta aziun de solidarité.

Dilan dles ofertes en gaujun dla sopoltöra de Pire Rives: da Martin Rives; dai fioc da Longega; dala Vijinanza da Picolin; dala dita Albert Moling.

Al vëgn recordé da dé jö la zetola de lita dl consëi nü dla Uniun di Èi tla lada apé de dlijia cina incö, domënia, 13 de jená.

Incö domënia, 13 de jená, él l'indunada dl KVV cun marëna sö dal Tasser.

LUNGIARÜ

I Trëi Resc da Lungiarü á trat ite 2.333 euro; a düc chi che á ofrí n bel dilan. N gran dilan ince a chi che é jüs a porté y a cianté la buna noela tles viles.

La Uniun dl Sport da Lungiarü lascia alsavèi ch'al é indò la poscibilitè da jadiné söl ciamp dl sport a Lungiarü vigni mertesc y jöbia dales 14.30 - 16.30 y ch'al é ince la poscibilitè da s'arampiché sön dlacia tla plaza da parchejé ite dala pista dles liöses Do Juvel. Deplü info ciafëise te internet sön:

<https://www.facebook.com/uniunSPORTAMATORIALA.lungiaru>



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

13.01. – 20.01.19 nr. 7

ultimo termo por comunicaziuns: jöbia dales 20.00
radio: 90,40 / 93,70

FESTA DL BATO DE GEJÜ - C

Vangele do Lüca 3,15-16.21-22

Mo Jan ti respognò a düc:

Iö ves batiëi cun ega, mo al nen vëgn un che é plü gaiert co iö,
y iö ne sun nia dëgn de ti desciolè i cialzà.

Èl ves batiarà cun Spirit Sant y cun füch.

Deboriada cun döt le popul s'á ince Gejú lascè batié.

Y tratan ch'al perià, s'á dauri le cil

y le Spirit Sant é gnü jö sön èl,

che ê da odèi tla forma de na colomba,

y na usc dal cil dijò:

Tö es mi Fi bunorü, en tè ài ciafè plajëi.



*N mede cuntâ che dala vijita di mituns che jö le pröm ann a scora
ciarâ naota da ti tó la tēma y i saludâ bel valënt vignun ti dijon:*

“Chilò sce vëgnel adalersch n môt da orèi bun!”

I mituns ti riò ados, y al n'é degügn che â val' decuntra.

N de èl gnü n pice môt, che ciugnâ döt sciode de no dijon

“Iö ne sun nia n pros môt!” “Mo chël conësci pö,” dijò le mede,

“sciöch'i te vëighi, este n môt da orèi bun!” – “Nou, iö sun chël ri Berto.”

Chël môt l'â aldí tan gonot, ch'al â instès metü man da le creie.

Al ne savò gnanca ciamó da scrí y da lí

y an l'â bele slovené tan te iadi ch'al minâ instès da ester n ri môt.


*Podunse pa ma insciö bel trasporté le plajëi che Idí á por Gejú
sön chësc môt y ince sön nos? Chël podunse!*

*Ciodiche le miol de nosta fede ne stá nia tles prestaziuns, ti prezec y tles proibiziuns,
mo tl azeté l'amur de Dî y se lascé aziché y tó por la man da d'èl.*

Y implü ó la fede ch'i dunse inant l'amur ch'i ciafun da d'èl.

Orèi bun sciöche risposta al bun che nes vëgn orü.

L'amur de Dî chërda nosc amur. (P.K.)

	SAN MARTIN	LUNGIARÜ	
13.01.19 BATO DE GEJÚ - C	9.00 Corona 9.30 GRAN MËSSA dla comunité a d'intenziun dl KVV 14.00 Bato de Kevin Rungger	7.55 Corona 8.15 GRAN MËSSA dla comunité	 <p>Cun le bato tl lordan mët man Gejú da jí danter la jënt. Sciöche porsones batiades aldiunse ince nos da se mostré publicamënter. Ince sce nosc raport personal cun Dî é important, ne podunse nia vire nosta fede ma privatamënter. Sciöche credënc sunse cherdá da dé la fede inant – y sciöche batiá da invié al bato y da batié.</p> <p>Signur Gejú Crist, tl bato sunse nasciüs a vita nöia. I sun morc cun te por vire cun te. Tüa vita é na fontana, da chëra ch'i podun ciarié fora y che renfreschëia. Dala desperaziun dëideste sö y tl strit inviëieste ala reconciliaziun. <i>Dötes les fontanes sbroca da te.</i> Te pordones la colpa y tla tëma daste coraje. <i>Dötes les fontanes sbroca da te.</i> Dala surité condüjeste ala comunité y tla plüra daste consolaziun. <i>Dötes les fontanes sbroca da te.</i> Te i das tüa vijinanza ai debli y ai püri y a chi che mör ti deureste la porta tla vita. <i>Dötes les fontanes sbroca da te.</i> Te i mostres le tru a chi che chir y te dëides da ciafé la pesc. <i>Dötes les fontanes sbroca da te.</i> Fora di batiá fejestes le se dla tera y testimoni de to amur. <i>Dötes les fontanes sbroca da te.</i></p>
14.01.19 Lönesc <i>Felix da Nola, Rainer</i>	20.00 Sentada dl consëi dl'Unité Pastoral a San Martin tl salf di stödafüch		
15.01.19 Dedolönesc <i>Romede da Thaur, Arnold Janssen</i>	19.30 Mëssa + Pire Rives (dla Uniun) por vis y defunc dl Finazer 20.00 Sentada dla junta dl consëi de cöra		
16.01.19 Dedemesaledema <i>Teobald, Marzelin, Ulrich</i>		7.30 Mëssa de rengraz. fam. Martin Clara + + Ivo y Frida Sorá + + Maddalena y Daniele Dapoz + Vito Clara, Somví	
17.01.19 Jöbia <i>Antone abat, Beatrix, Iulian</i>	7.30 Mëssa en onur de Sant Antone abat dl ann + Gile Moling + Sepl Flöss, Anví por les Animes Corona por vocaziuns		
18.01.19 Vëndres <i>Regina, Prisca</i> <i>Al mët man l'edema d'oraziun por l'unité di cristians (18-25 de jená)</i>	18.30 Adoraziun chîta 19.00 Adoraziun deboriada	7.30 Mëssa en onur de Sant Antone abat de rengr. fam. Heinrich Freinademetz + + Paratscha	
19.01.19 Sabeda <i>Marius, Heinrich</i>	15.30 Mëssa tla Ciasa de Palsa 18.30 Mëssa prefestia dl ann + Giovanni Trebo, Tor + Fonjo Verginer (dl ann) + Erica Videsott (dl ann)	20.00 Mëssa prefestia dl ann + Veronica Costa y + Giovanni + Emma Pezzei	
20.01.19 2ª DOMËNIA - Ann C DOMËNIA DLA BIBLA <i>Scomenciamënt dla Novëna a Sant Ujöp da Oies</i>	9.00 Corona 9.30 GRAN MËSSA dla comunité cun novëna a Sant Ujöp da Oies	7.55 Corona 8.15 GRAN MËSSA dla comunité	